





御定歷代賦彙補遺卷第四

地理

虹江賦

明馬一龍

客有誦虹江之勝者孟河子進而語之客是勝夫不勝  
 不知也妖蟲蝕氣以絢天陰青薄空而暈日箕津竅發  
 於帡幪逝者如斯而不息繁霞會紉引圓羅而魄營湛  
 露滂精決沆瀣而閭洩蕩無涯以振河海伏光景而混  
 朝夕相與簸歛麾戟震鼓雉雠騰蛟姹舞幻化難於具  
 陳而戴盆以資談府客曰願聞其說啓我聾瞽噫天下  
 之勝莫妙於無不足然天下之求勝者實則眩惑於其  
 目昭昭之明散為二光涓涓之滴積為四瀆撐黎結幕

於楚臺之陽流沫合襟於孔林之麓彼或取爾相尚以  
爲芳族則亦晶晶嶽峯天光下燭空明鬱勃擁黛沉玉  
激鯤鵬之飛淙挂鬣隼於森木閉寒月於禹門盼恒沙  
於捐毒洗湘筠之遺痕追華渚之往躅客曰然吁天地  
之間僂乎萬物目之所見唯形與色苟循其轍則上焉  
者星辰常如綴旒日月有時合璧風雲雷電雨露霜雪  
盈太虛中皆其顯仁而著跡及乎下焉靜鎮者爲山動  
适者爲水草木敷榮昆禽煦嫗類聚而羣分之何者非  
吾身之所容與故脫精於近小而大觀遠寰宇乃能放  
五形於五嶽不屑屑局守於一隅耳夫形色之不可爲  
名稱怪怪奇奇莫非鴻冶玄陶范化而精凝摩盪於二

氣雜揉於五行東西窮日月之出沒南北極天地之降  
升其間融結爲勝鬼神不得通機緘丹青無以施技能  
吾試言之而熟聽之可乎客曰可嗟夫虹霓麗天江河  
行地知天地之情狀則知天地與我皆爲一氣矣物多  
障於目見而道必由於心契不然天高地厚廣漠無際  
觀一物而窒乎神化之自然或昧化工而不通造物之  
量劑又孰知乎刻鏤籠鬱劇劃堪輿崑崙泰華之墟發  
而爲神州赤縣大帝攸居衣冠文物之盛視金玉皆爲  
土苴寶殿瓊樓何天之衢岳峙川渟形勝莫踰此天造  
地設縱之爲都會之區尊不可擬卑莫敢渝又其次也  
金谷繁華習池富貴亦極一時之侈靡然反道背德適

爲身累故君子不以爲美而雙秀蛾眉九曲武夷孤山  
矮屋桐江長絲或不免避世離羣肥遯膏屯其與深  
匿桃花之源長嘯天台之門暴殄天命而潔身亂倫賢  
者不足與爲謀在有道之世非今日之所樂聞固莫誕  
於神仙之說極其窈冥以爲弱水三萬里外有萬丈蓬  
瀛紫翠煥乎玄間巍然宮闕之葱蒨不祇隋珠趙璧以  
間黃金白銀眞人之所止常園腴下土垂涎腐鼠之餘  
餒若華陽終南鑑湖玉井豹瀆虎溪昆明畫省凡名勝  
之等於虹江者衆列十洲使必罄目力之所至安得霖  
駕星馳飄飄乎雲臥而天遊耶或能囊括宇宙盡大千  
世界可以肺腑收之則納天地於一芥子之中言亦匪

謬客知盤古氏之王天下乎其既也展尺寸之膚爲元  
包懸兩目之睛爲日月胃流而海瀦骨聳而山立陽和  
暢其性情一怒而爲霹靂髀骹之末而發萬物之胚胎  
呼吸之微而動兩儀之闔闢蓋人身小天地而萬物皆  
備於我會元化於吾心取之無不足不必求諸方寸之  
外與形色並逐客乃咤然不應孟河子又進而語之客  
是不勝夫勝不知也虹江之上吾友有劉子元者知道  
之士執此以相質彼必躍然起思洞悟物我之形以予  
言爲是將令其氣吐爲虹霓人皆仰視而膏澤下流天  
下並受其賜名勝不在虹江實勝者足以垂斯名於百

世

河賦 有序

明俞安期

往余嘗浮淮歷黃河之委茲既經盟津觀砥柱率流金城渡河關積石數與河遇則心怦怦若有感焉夫九有水莫長於河故列之四瀆特號爲宗然江有郭弘農賦亦旣彬彬侈言之由漢以來未有沿委討源總攬萬殊收歷代之遺文畢體物之能事以及於河者有之自應成亦寥寂未備焉然河在中國所至利害彼此夘殊越在上游特稱有利而無害秦地以下或利多於害或利害相參方今泗沛間漂民廬驚陵寢其爲害特甚則亦曩策之未完善抑豈河之罪哉不量寡率遂含毫賦之極其源委以頌河之德且折衷近者議治之異同焉

其辭曰

維河流之靈稱肇億禩而不忒經流別之爲宗萬水崇  
之爲伯逮禹功之所加旣經矚而可悉粵重源之載導  
復冒流於積石開隴西之上游徑金城而東出翼賀蘭  
以包朔方並陰山而望高闕左拂雲中雷首右薄太華  
二嶠循平陰而北轉乎鮪渚遵洛汭而東抵乎成臯由  
是捐故瀆而不返指宛丘以捷馳擅淮濟之所道並委  
輸於朝夕之池昔之播九以同於碣石爲逆而瀉於東  
齊者已中枯而成陸或分岐而背趨矣其來同者有洮  
兼大夏湟引閭門高平芒于奢延滿汾渭涇洛伊汝潁  
汴濉又附之而俱達者概不可以殫稽蓋四瀆之流總

其三九州之水領其七咸千里而一折乃九折於中國  
其水則渾渾湑湑洩洩淩淩洩洩以凝澹汨黃濁而  
拾灑不藉颺而騰波詎涅蘖而成色及其下桃花之新  
漲溢竹箭之疾流浩滉瀆而高出濺軋沕而橫浮隄齧  
之而善崩山懷之而欲瘦奚兩涯之可測尚復致辨乎  
馬牛至若越呂梁潰龍門觸砥柱下集津阨嶮巖東嶙  
峴莫不洶湧滂湃濶灑滄澗洶澆澆激奔溜下垂若瀑  
布之高曳駮波上躍若雪巖之雄峙飛沫類澍雨之四  
垂振聲又疾雷之薦至搖撼山嶽動盪天地聞之者改  
聽覩之者魄悸飲飛犯之喪其勇樗里遭之失其智漆  
園所稱善遊之夫夫亦寓言而若是其鱗族則有鮒鱮

鱒鯉鮐鱖鰓鱣鱧鱨鱩鱪鱭鱮鱯鱰鱱鱬鱷鱸鱹鱺鱻鱽鱾鱿鱾鱾鱿鱿  
棲或蒼文而赤喙或鳥首而龍題或曝顯而未化或具  
翼而善飛喜挾濤而出舞每泝流而升危鬢數揚而不  
定鱗欲安而無時其介族則有素蛟丹蚪黃條黑蜃朱  
鼈玄鼈赤螭黃貝蜃蟻蠃浮蛇賁龜八足之蛻三足  
之能潛者逗泥而泛沫出者緣崖而曝暉故隨地而孳  
育亦隨波以遷移其羽族也鷺鷥鷦鷯鷩鷮鷯鷯鷯鷯  
白鷺鷥鷯鷯鷯朱目之鷯赤尾之鳧春鉏影纓涸澤垂  
胡當扈以髯而奮體白鷗以視而孕雛陽鳥往還而旅  
處鷓鴣沈浮而托居鷓鴣互舉喧聒相呼要羣而集引  
子而哺巧歷不能以乘計司虞不能以目書其下又有

青璣白珠藻璆吉玉曾青茈石櫨丹碧綠浮磬羽磬文  
礪玄礪或流自他山或產於深澳觀水折之圓方察精  
氣之隱爚知寶藏之所興驗珍錯之所伏其天子之秘  
寶咸載之於河圖金膏燭銀玉果璿珠是河宗氏之司  
衛非庸人所得而闕闕其神則河精巨靈陽侯馮夷黑  
公之從趙見五老來告堯期或興兩蛟而挾舟或駕兩  
龍而負轅或化星而入昴或授圖而還淵或玉牘遺於  
濬次或掌跡寄於山顛稽歷代之禮祀其備物之或殊  
或刑正牲而沉白馬或射玄貉而獵白狐多榮玉之圭  
璧及紺蓋之輿車若夫王澤寔銷君人失德徵廢則徙  
移表亡則竭絕澤枯則山石崩壅陰盛則陵阜漂沒戰

國籜防以互分商都五圮而淪入鄰國上灌而爲壑人  
民下恨而波赤至於帝王聿興聖人將出則榮光以之  
錯起休氣以之四塞潤至於九里清變而五色川后爲  
之貢珍水祇爲之效職有若庖犧之卦畫軒后之綠圖  
放勳受圖而作記重華剖檢而得符負之以神馬挺之  
以龍魚折溜而至甕水而去金繩者泥紫蘭采者文朱  
寧靳乎靈府之閱貺孰不及期而來輸又若周有白魚  
之入舟赤鳥之流火玉龜之呈讖晉年黃龍之見於光  
武告世運之將興著祥瑞之契應而臚列典章者亦不  
勝侈其休慶蓋藏往以察來亦知微而知彰通神明之  
懿美目德水其克當獨昉稱乎嬴氏雖允臧而弗揚喟

時代之沿革慨昔人之遺跡誓功者表其如帶階圖者  
載其分域晉君赴哭而遂流武帝興歌而遂室弘農化  
而猛虎渡漢宣濟而神鱗出尚父之號蒼兕太尉之殪  
青虯葛玄使魚而吐書秦伯濟師而焚舟趙決之爲却  
魏之策嬴引之爲滅魏之謀申徒負石以自沈方叔抱  
樂而赴溺古冶救驂而斃黿子羽斬蛟而棄璧金人捧  
劍於水心女媚揚聲於河激濟嘉君子之名渡賜竇門  
之鬻宋女詠一葦之杭孟津嗟捧土之塞伯鯨堙之而  
竊息壤女媧止之而畫蘆灰延世使隄東郡而豐賚延  
平奏決胡中而太奇王尊刻水神而患息江使還余且  
而禍罹緯蕭子探珠於驪領商丘開得珠於淫隈復有

金狄之所沈木罌之所渡宣尼臨之而不濟魏侯浮之  
而稱固亡人投偃璧而結誓篡夫沈周寶而邀祜諸雖  
美刺之有間咸傳牒牘而昭著其堦有甌脫之地斥鹵  
之墟分以萬洫激以千渠漑糞兼資黍稷載敷變堯堦  
之瘠壤爲晦鐘之上腴雲雨以之蕩出垢濁藉之滌除  
泛千艦以遠達通萬國之貢輸限戎翟於荒外若夷夏  
之分區興衆利而不匱設重險而有孚宜先王之典禮  
復比秩於諸侯於是集周穆之征紀夏后之荒經漢儒  
之載乘酈氏之所稱法顯之所歷騫英之所尋且攷濫  
觴之所在咸云自崑崙之靈墟本神泉之顥質發東北  
之一隅下夫中極之淵逮於河北之都劃凌門穿陽紆

絕屬賓之國略皮山之居穿葱嶺以再發分于闐以並  
趨包且末牢蘭之所聚喻龜茲疏勒之所儲盤迴於荒  
服者三十由旬乃會三源而來緒至於泓澤海曰蒲昌  
又潛行千有餘里始及乎中國之西疆後使者薛氏之  
所訪云得之悶磨之岡而勝國之佩金虎符者復云自  
星宿之中央謂越遐而遺邇譏前記之荒唐竊意夫河  
源之遙集二重源以伏流悉前哲之所諦咸條疏而同  
途而後來之異軌是狃於積石之受誣彼覲夫顯行者  
之即是而於伏者之爲虛若然者其經見萬里而匯於  
眇焉之泓澤者豈自有沃焦而爲歸墟况稱有電轉隱  
淪之跡茲非冒出之驗歟夫天一之潤下惟四瀆之爲

經歷桐柏而淮出及王屋而濟興江遡之以爲永亦僅止乎蜀岷探茲源以及委貫方輿之兩端首西極而尾乎東極上應雲漢之竟天周祭雖並列乎瀆秦郡亦參稱乎川爰揭衆流以絜校夫孰與之而配焉歷覩往昔利害之所由深慨夫今時之所治不察夫常變之宜以極會通之致夫彼一石之濁流兼六斗之泥滓緩行則爲之分滯急疾乃爲之並駛放乎海滙而成壤又梗夫尾閭之所委其控清以引濁亦非曩者之失謀獨兼三瀆於枝淮曾弗災異之爲憂豈容使一衣帶之廣克任夫七州之洑流不經本而障末難乎圖遠之鴻猷獨不見夫乘四載者之疏導鑿上流而行乎高地度迅悍之